

375.9
435
.9

植
物
名
實
圖
攷

354

7

9(1-60)

植物名實圖考卷之九

固始吳其濬著

蒙自陸應穀校刊

山草

平地木

六面珠

紅絲線

雞公柴

鴉鵲翻

細亞錫飯

紫藍

牛金子

天茄

馬甲子

滿山香

風車子

張天剛

樓梯草

鐵拳頭

大葉青

小青

紅孩兒

紅小姐

九管血

四大天王

短腳三郎

朝天一柱

土風薑

見腫消

薯蕷

柘葉

觀音座蓮

金雞尾

合掌銷

觀音竹

鐵燈樹

鐵樹開花

一連條

鐵骨散

土三七 三種

洞絲草

紫喇叭花

水晶花 又一種

急急救 又一種

山芍藥

香梨

肺筋草

剪刀草

四季青

白頭翁

鐵繖

一枝香

鹿銜草

紫背草

七厘麻

七厘丹

白如椶

雞腳草

蜘蛛抱蛋

菜藍

地茄

仙人過橋

山柳菊

野山菊

一枝黃花

平地木



山草卷之九

平地木

平地木花鏡載之生山中一名石青子葉如木樨夏開粉紅細花結實似天竹子而扁江西俚醫呼爲涼繖遮金珠以其葉聚稍端實在葉下故名根治跌打行血和酒煎服



木牛名目考
六面珠

六面珠產建昌褐莖對葉微似月季花葉而黃綠微短附莖秋
結小圓紅實四面環抱攢簇稠密的櫟可愛



紅絲線

紅絲線產南安綠莖有毛葉如山茶葉而薄長柄下垂結實如珠生青熟紅綠蒂托之一名血見愁俚醫搗敷紅腫以爲良藥



雞公柴

雞公柴江西山中皆有之叢生赭莖大根深赭色葉似鳳仙花
葉而寬深齒對生梢結紅實如天竹子而大建昌俚醫以根治
白濁和酒煎服




鴉鵲翻

鴉鵲翻生南安叢生赭莖對葉如地榆而尖結小子成攢嬌紫可愛氣味甘溫俚醫以治陡發頭腫頭風溫酒服煎水洗之又治跌打損傷去風濕



細亞錫飯

細亞錫飯生大庾嶺硬莖叢生葉如柳葉附莖攢結長柄一實
嬌紫下垂土人云可洗瘡毒



紫藍

紫藍生長沙嶽麓綠莖叢生長葉到主如大青葉而窄秋結藍實如珠攢簇梢頭性涼亦類大青



牛金子

牛金子江西處處有之叢生小科硬莖褐色葉如榆葉而小無齒亦微團附莖甚密秋開小紫花繁開如穗多鬚結實似龍眼核灰黑色頂上有小暈或云能散血



天茄

天茄生建昌一名杜榔子黑莖直勁短枝發葉似枸杞葉而圓有直紋三四縷俚醫以爲養筋和血之藥



馬甲子

馬甲子江西處處有之小樹如菝葜赭莖大葉如柿葉亦硬面
緣背淡有赭紋開小白花如棗花結實形似鰻魚圓小如錢生
青熟赭有扁核青時味如棗而淡熟卽生糟小兒食之土人採
根治喉痛 按遵義府志馬鞍樹開花結子殼似五兩錢子在
錢內熟時極紅取子榨油可作燭又思南府志銅錢樹一名馬
鞍秋開黃花果三棱淡紅色子壓油不中食蓋卽此



滿山香

滿山香生南安黑莖屈盤葉如椿葉有赭紋根亦糾曲俚醫以治跌打損傷風氣煎水洗之




風車子

風車子生南安一名四角風長蔓如藤而植立赭色葉長如枇杷葉而薄中寬末尖紋如楮葉深刻細密面凹背凸面深綠背淡青結實如兩片榆莢十字相穿極似揚穀風扇四角均勻生青熟黃中有子一粒如稻穀長三四分皮黃如槐米俚醫以祛風散寒療風痺洗風足爲風病要藥



張天剛

張天剛生南安叢生硬莖有節紅黃色葉似水蘚葉實如小罌
褐色莖葉實俱有細刺如毛根淡紅色有鬚氣味甘溫俚醫以
治下部虛軟補陰分



樓梯草

樓梯草產南安獨莖圓緣高不盈尺長葉畧似枇杷葉大齒尖
梢粗紋橫斜面青背黃緣土人採治風痛跌打損傷煎酒服



鐵拳頭

鐵拳頭產南安叢生柔莖細綠每枝三葉葉如薄荷中有赤紋結黃實如小毬硬尖如蝟畧似石龍芮唯葉無歧爲異土人採治失血和褚蹄煮服



大葉青

大葉青生南安山嶺獨莖高二三尺灰綠色有濇毛中空白如
蘆莖葉三叉中長寸許大如掌面淡青背微白澀毛粗紋有露
脈如麻葉子附莖生葉下如火麻子薄殼青褐色亦有毛中有
細紅子一窠俚醫以治下部濕痺



本草綱目卷之
小菁

小菁生南安與俗呼矮茶之小菁同名異物大根無鬚綠莖粗
圓頗似初發梧桐對葉排生似大青葉而短微圓俚醫以爲跌
打損傷要藥每服不得過三分忌多服



紅孩兒

紅孩兒生南安高尺許根如薑而嫩紅黃色莖似魚兒牡丹葉似木芙蓉而尖歧稍短秋冬開花極肖秋海棠結實作角如魚尾形而末小團皮薄如榆莢子紅黃色亦似魚子俚醫以治腰痛



紅小姐

紅小姐生南安莖葉微似秋海棠與紅孩兒相類而葉面緣無赤脈背淡紅紋赤蓋一種而微異俚醫以治婦人內竅不通順經絡升氣補不足氣味甘溫

九管血

三

山草卷之九



九管血

九管血生南安赭莖根高不及尺大葉如橘葉而寬對生開五
尖瓣白花梢端攢簇俚醫以爲通竅和血去風之藥

四大天蓬

五

山草卷之九



四大天王

四大天王生南安綠莖赤節一莖四葉聚生梢端葉際抽短穗
開小白花點點如珠蘭赤根繁密俚醫以治風損跌打無名腫
毒



短腳三郎

短腳三郎生南安高五六寸橫根赭色叢發赭莖葉生梢頭秋
結圓實下垂生青熟紅與小青極相類而性熱治跌打損傷風
痛孕婦忌服



朝天一柱

朝天一柱生南安肉根圓赭斂條連綴微似百部綠莖疎節對節生枝長葉如柳俚醫以治無名腫毒蛇咬升氣補虛



土風薑

土風薑生南安根似薑而有鬚葉莖似薑而細瘦微似初生細
蘆氣味辛溫治風損行周身

見腫消

五

山草卷之九



見腫消

見腫消生建昌紅莖如秋海棠圓節粗肥似牛膝小葉多缺齒
大葉三叉深齒末尖面青背微白土人採根敷瘡毒

薯蓣



薯蕷

薯蕷產閩廣諸山蔓生無花葉形尖長如夾竹桃節節有小刺根如山藥有毛形如芋子大小不一外皮紫黑色內肉紅黃色節節向下生每年生一節野生土人挖取其根煮汁染網罾入水不濡留根在山生生不息南越筆記薯蕷產北江者良其白者不中用用必以紅紅者多膠液漁人以染鼠罾使芋麻爽勁既利水又耐鹹潮不易腐薯蕷膠液本紅見水則黑諸魚屬火而喜水水之色黑故與魚性相得染鼠罾使黑則諸魚望之而聚云



柵葉

柵葉產粵東家園草本形如芭蕉葉可裹粽以包參茸等物經久不壞本高約二三尺葉長尺許青色四季不凋南越筆記有柵葉者狀如芭蕉葉溼時以裹角黍乾以包苴物封釭口蓋南方地性熱物易腐敗惟柵葉藏之可持久卽入土千年不壞柱礎上以柵葉墊之能隔溼潤亦能理象牙使光澤計粵中葉之爲用柵爲多蒲葵次之有油葵者似椶葉而性柔以作蓑衣耐久不滅蒲葵諺曰油葵蓑蒲葵笠朝出風乾夕歸雨濕又曰只賣葉休賣花花貧葉富二葵成家廣州竹枝詞云五月街頭人

賣葉卷成片片似芭蕉謂佟葉也參差葉尾作蕺蓬謂蒲葵也
蓬形方大三尺許以施於背遮雨名曰葵蓬葵曰蒲葵者以葉
如蒲而倒丕蓋蒲之類也



觀音座蓮

觀音座蓮生南安形似貫衆而葉小莖細多枝杈高二三尺根亦如貫衆有黑毛彷彿蓮瓣層層上攢蓋大蕨之類


金雞尾

山草卷之九



金雞尾

金雞尾生建昌山中一名年年松叢生斑莖葉如箬葉排生中有金黃粗紋一道面緣背淡微白露根似貫衆狗脊土人以解水毒用同貫衆



合掌消

合掌消江西山坡有之獨莖脆嫩如景天葉本方木尖有疎紋面緣背青白附莖攢生四面對抱有如合掌故名秋時梢頭發細枝開小紫花五瓣綠心子繁如罌粟米粒根有白汁氣臭俚醫以爲消腫追毒良藥

觀音竹



觀音竹

觀音竹饒州山坡有之似干層喜春時短葉中抽細莖發小葉
稍開綠花長柄如石斛一瓣長圓如小指甲向上翹如首下有
三細尖瓣下垂如足復有一長瓣彎細如尾白心點點頗似青
蛙翻肚莖花齊發長六七寸殊狀罕儷

鐵燈樹

卷

山草卷之九



鐵燈樹

鐵燈樹江西湖南皆有之鋪地生一葉一莖葉似紫苑而寬本
圓末尖夏間中抽一莖長五六寸頗似枯莖秋深始從四面發
小葉隨作苞開細瓣小白花赭蒂長二三分葉蒂攢密青赭斑
駸俚醫以根止痛活血酒煎服

鐵樹開花

卷

山草卷之九



鐵樹開花

鐵樹開花生建昌一莖一葉似馬蹄而尖有微齒與犁頭尖相類而葉背白細根偃醫以治隔食症同猪肺煮服



一連條

一連條生建昌赤莖長枝獨葉葉如苧麻而尖長面青背白細紋微齒土醫取幹葉搗敷腫毒

鐵骨散

三

山草卷之九



鐵骨散


鐵骨散生建昌叢生粗根似薑赭莖有節對葉排比似接骨草而微短亦寬面緣背微黃俚醫以根洗腳腫同甘草煎水



土三七

本草綱目李時珍曰近傳一種草春生苗夏高三四尺葉似菊
艾而勁厚有歧尖莖有赤稜夏秋開花花蕊如金絲盤鈕可愛
而氣不香花乾則吐絮如苦蕒絮根葉味甘治金瘡折傷出血
及上下血病甚效云是三七而根大如牛蒡根與南中來者不
類恐是劉寄奴之屬甚易繁衍 按土三七亦有數種治血衄
跌損有速效者皆以三七名之此草今處處種之盆中俚醫以
葉面青背紫隱其名曰天青地紅凡微傷但折其葉裹之卽愈
辰谿縣志澤蘭一名土三七一名葉下紅根葉傅金瘡折傷之

要藥非本草所云澤蘭也簡易草藥散血草卽和血丹土名三七能破血去瘀散血消腫通治五勞七傷跌打損傷春出秋枯其形狀功用盡於此矣



土三七

上三七生廣西莖葉俱似景天而不甚高厚葉有汁無紋周圍有圓齒伏曰拔置赫曦中經月不槁無花實摘葉種之卽生亦名葉生根畏寒經霜卽腐主治涼血止吐血



土三七

土三七廣信衡州山中有之嫩莖亦如景天葉似千年艾葉無歧有齒深綠柔脆惟有淡白紋一縷秋時梢頭開尖細小黃花俚醫以治吐血

洞絲草



洞絲草

洞絲草生寧都金精山高六七寸綠莖赭節葉如鳳仙花葉兩兩對生冬開紫花如絲復有細茸土醫詫爲奇藥而恡其方

紫喇叭花



三

山草卷之九

紫喇叭花

紫喇叭花生寧都金精山莖葉俱如洞絲草冬開紫花頗似地
黃花有白心數點

水晶花


卷

山草卷之九



水晶花

水晶花廣信衡州山中有之小科葉如女貞葉亦光潤梢端夏開五出小白花細如銀絲朵朵如穗俚醫用之



水晶花

水晶花衡山生者葉似繡球花葉而小紫莖有節花如銀絲作
穗長寸許夏至後卽枯

急急救



山草卷之九

急急救

急急救江西山坡有之根鬚黃柔一莖一葉葉莖嫩綠似初生
蜀葵葉無歧而尖深齒如鋸面背皆有細毛土醫以根同紅棗
浸酒通骨節達四肢

急急救

果

山草卷之九



急急救

急急救生廬山者葉如馬蹄而大根粗如大指餘同

山芍藥

卷

山草卷之九



山芍藥

山芍藥生建昌鼓生綠莖高三四尺大葉如馬蹄而尖甚深
齒粗紋面深綠背淡青秋深開紫花瓣尖如鍼端有鬚絲跗如
刺密攢而上土醫以根葉治風寒

香藜

異

山草卷之九



香梨

香梨生建昌綠莖大葉葉作三叉形前尖獨長大過於掌深齒半寸許粗紋欹斜面綠背淡青可擦傷或以爲大戟

肺筋草

麗

山草卷之九



肺筋草

肺筋草江西山坡有之葉如茅芽長四五寸光潤有直紋脊抽細葶開白花圓而薄又如石榴花蒂大如米粒細根亦短

剪刀草



剪刀草

剪刀草生建昌獨莖高尺許對葉尖長似鳳仙花葉而無齒
面緣背青白梢端抽長條結黃實如薏仁而小層綴如穗而疎
一名羊尾鬚土醫以治順痞煎水洗之



四季青

四季青生建昌形如蓼而莖細無節葉尖錯生秋時梢開白花
成穗如蓼花而疎土人取根敷傷



白頭翁

白頭翁生建昌赭莖梢綠長葉斜齒面綠背淡夏結青葇荑上
有三四鬚細如蠅足土人云根解毒藥

鐵織



山草卷之九


鐵織

鐵織生南安綠莖如蒿有直紋旁多細枝厚葉翠綠背微紫似
平地木葉而齒圓長俚醫以爲活氣行血通絡之藥此草葉叢
聚生梢端故有鐵織之名

一枝香

稽


山草卷之九



一枝香

一枝香生廣信鋪地生葉如桂葉而柔厚面光緣背淡有白毛
根鬚長三四寸赭色土人以治小兒食積

鹿銜草



卷

山草卷之九

鹿銜草

鹿銜草九江建昌山中有之鋪地生綠葉紫背面有白縷略似
蕺菜而微長根亦紫土人用以浸酒色如丹治吐血通經有效
按本草有鹿銜形狀不類妄薇志鹿銜草性益陽出蕪源卽
此湖南山中亦有之俗呼破血丹滇南尤多土醫云性溫無毒
入肝腎二經強筋健骨補腰腎生精液

紫背草



藥

紫背草

紫背草生南贛山坡形全似蒲公英而紫莖近根葉又微稀背
俱紫梢端秋深開紫花似禿女頭花不全放老亦飛絮功用同
蒲公英

七厘麻



七

山草卷之九

七厘麻

七厘麻江西山中有之似吉祥草葉而紋理粗直橫根綠潤有節似竹根而嫩土醫以治筋骨疼痛

七厘丹

山草卷之九



七厘丹

七厘丹南安廣信山中有之春時抽莖生葉似蘆而軟葉有間道直紋長弱下垂夏發細葶小葉葉際開花如粟紫黑色細根赭褐俚醫以治骨癰跌打損傷忌多用故以七厘爲名

白如椶

艸

山草卷之九




白如櫻

白如櫻一名仙麻江西湖南山中多有之狀如初生櫻葉青白色有直紋微皺抽莖結實如建蘭花實獨根土醫採治風損婦科敗血

雞腳草

草

山草卷之九



雞腳草

雞腳草生建昌形狀如吉祥草而葉不光澤有直紋如竹而綠背黃綠與莖同色根如薑而瘠有鬚土醫以治勞損乳毒勞損取根煎酒服乳毒蒸雞蛋食之 按本草拾遺有雞腳草形狀主治不類

蜘蛛抱蛋

卷

山草卷之九




蜘蛛抱蛋

蜘蛛抱蛋一名飛天蜈蚣建昌南贛皆有之狀如初生椶葉下細上闊長至二尺餘粗紋韌質凌冬不凋近根結青黑實如卵橫根甚長稠結密鬚形如百足故以其狀名之士醫以根卵治熱症南安土呼哈薩喇以治腰痛咳嗽

萊蘆

卷

山草卷之九



菜藍

菜藍生廣信黑根有鬚叢生綠莖微有疎節葉似大葉柴胡粗紋疎齒一名大葉仙人過橋土人採治跌打損傷

地茄

卷

山草卷之九



地茄

地茄生江西山岡鋪地生葉如杏葉而小柔厚有直紋三道葉中開粉紫花團瓣如杏花中有小缺土醫以治勞損根大如指長數寸煎酒服之



仙草卷之九

仙人過橋

七

山草卷之九

仙人過橋

仙人過橋建昌南贛山坡皆有之叢生高不盈尺細莖葉如柳葉秋時梢端開紫筍子花畧似桔梗花而小開久瓣色退白黃蕊迸露土人採根葉煎洗瘡毒



山柳菊

山草卷之九

山柳菊

山柳菊一名九里胡一名黃花母南贛山中皆有之叢生細葉似石竹葉綠莖有節秋開黃花如菊心亦黃土醫以洗腫毒不可食

野山菊

葉

山草卷之九



野山菊

野山菊南嶺山中多有之叢生花葉抱莖如苦蕒而歧齒不尖莖瘦無汁梢端發杈秋開花如寒菊土醫以根葉搗敷瘡毒

一枝黃花

三

山草卷之九



一枝黃花

一枝黃花江西山坡極多獨莖直上高尺許間有歧出者葉如柳葉而寬秋開黃花如單瓣寒菊而小花枝俱發茸密無隙望之如穗土人以洗腫毒